

雷波廳志卷之一

星野志

肇自保章以星辨地列宿運行九州分繫雷黃一域  
僻處窮邊川滇之界井鬼之躔成象成形取諸俯仰  
分野昭然若指其掌志星野第一  
星野之分始於春官之馮相保章詳於甘石之書蜀  
古梁州壤也考河圖括地象云岷山之下爲井絡帝  
以會昌神以建福其辰值未故尙滋味德在少昊故  
好辛香星應輿鬼故君子精敏小人鬼黠與秦同分

雷波廳志

卷之一

星野

一

故好勇悍又洛書曰人皇始出繼地皇氏之後兄弟  
九人分理九州爲九圉人皇居中州制八輔華陽之  
壤梁岷之域是其一圉其分野輿鬼東井是蜀之爲  
井鬼無疑矣又蜀紀帝居房心決事參伐則爲蜀分  
野言蜀在帝議政之方參輔之中三星爲中軍正中  
一星爲大將旁二星爲參謀凡十一度伐者大將之  
柄主大司馬九伐之法參伐之命名以此星經云井  
宿三十三度八星橫列鉞一星附井前常隱不見四  
瀆四星在井南乃江淮河漢之積精五諸侯五星近

北河主刺舉戒不虞南河北河各三星分夾東井南  
北置爲戒天之闕門主關梁天樽三星在五諸侯南  
積薪一星在積水東主盛饘粥備庖廚之用闕邱二  
星在南河東主象魏懸書之府弧矢五星在狼東南  
主伐叛懷遠軍市十三星在參東南如錢狀主知物  
價察奸慝軍市南二星曰丈人曰老人主壽考見則  
天下安甯丈人東二星曰子曰孫皆侍丈人之側相  
扶而居不見爲災井宿計星共二十一座鬼四星二  
度册方似木櫃爲日月五星之中道主祀事外廚六

雷波廳志

卷之一

星野

二

星在柳南主烹宰天狗七星在鬼西備賊盜天社爲  
句龍之精氣天紀主鳥獸之繁滋鬼宿計星共七座  
試以蜀之分野言之則嘗考諸舊志川南如嘉定屬  
井鬼之分入參四度雅州府屬井鬼之分入參一度  
瀘州屬井鬼之分入參四度至敘州府屬廳縣井鬼  
之分入參三度爲鶉首之次舊志所謂井鬼分野者  
如此第驗之輿圖觜參爲魏分魏在三河之間越秦  
漢而與蜀益同一分野又按東坡指掌夫象分野圖  
云觜參星曰實沈州曰益州官曰陰陽時曰申是益

爲實沈之次也井鬼星曰鶉首州曰雍州官曰口蟹  
時曰未是雍爲鶉首之次也考其州郡躔次益州入  
參一度廣漢入觜四度越巂入觜三度蜀郡入參一  
度犍爲入參三度梓柯入參五度未嘗爲井鬼分也  
而井鬼爲秦雍雲中入井一度定襄入井八度上黨  
入輿鬼二度是井鬼爲秦分觜參又爲蜀分史記正  
義星經亦云畢觜參魏之分野屬益州東井與鬼秦  
之分野屬雍州三說殊各不同實難妄解姑記所聞  
以俟知者

舊志

雷波廳志

卷之一

星野

三

雷波界屬雲南四川之間

舊志

井鬼之分入參三度爲鶉首之次

舊志

附步天歌

井宿八星行列河中靜一星名鉞井邊安兩河各三  
南北正天樽三星井上頭樽上橫列五諸侯侯上北  
河西積水欲覓積薪東畔是鉞下四星名水府水位  
東邊四星序四瀆橫列南河裏南河之下爲軍市軍  
市團圓十三星中有一個野雞精孫子丈人市下列  
各列兩星從東說闕邱二個南河東邱下一狼光蓬

茸左畔九個彎狐矢一矢擬射頑狼胸有個老人南  
極中春秋出入壽無窮

鬼宿四星册方似木櫃中央白者積尸氣鬼上四星  
是燿位天狗七星鬼下是外廚六個柳星次天社六  
個弧東倚社東一星是天紀

參宿參總七星觜相侵兩肩雙足三爲心伐有三星  
足底深玉井四星右足陰屏星兩扇井南襟軍井四  
星屏上吟左足下四天廁臨廁下一物天矢沈